



Jan Erik Stabben

6590 TUSTNA

Aure kommune - løyve til planting av sibirlerk gnr228 bnr1

Fylkesmannen i Møre og Romsdal gjev Jan Erik Stabben løyve til utsetting av sibirlerk for skogproduksjon på gnr 228 bnr 1 i Aure kommune. Løyvet gjeld for suppleringsplanting med 50 stk. tre på eit areal på ca. 1 daa, UTM 7007400 458900. Løyvet er gitt i medhald i §§ 4 og 5 i "Forskrift om utsetting av utenlandske treslag til skogbruksformål". Det er sett vilkår til løyvet.

Vi viser til søknad datert 05.07.2014. Søknaden gjeld utsetting av sibirlerk (*Larix sibirica*) på eigedommen 228/1 i Aure kommune. Formålet med utsettinga er skogproduksjon, og ein skal erstatte tre som er skadd av hjortevilt. Søknaden gjeld 50 stk tre på eit eksisterande, planta areal på 1 dekar.

Utsetting av utanlandske treslag krev løyve etter forskrift om utsetting av utenlandske treslag til skogbruksformål av 25.05.2012 (heretter kalla forskrifta). Formålet med forskrifta er å hindre at utsetting av utenlandske treslag medfører eller kan medføre uheldige følger for naturmangfoldet, jf. § 1.

Søknaden skal vurderast etter prinsippa i §§ 8-12 i naturmangfaldlova (NML), jf. § 7 i NML.

Vurdering

Ved vurdering av om det skal gjevast løyve til utsetting, skal eventuelle uheldige følgjer for naturmangfaldet vektleggast. Det skal leggast særleg vekt på om treslaget og eventuelle følgjeorganismar medfører risiko for uheldige følgjer for det biologiske mangfaldet. Det kan ikkje gjevast løyve viss det er grunn til å tru at utsettinga vil medføre vesentlege uheldige følgjer for det biologiske mangfaldet, jf. § 7 i forskrifta. Utplanting av utanlandske treslag kan ha ein negativ påverknad på naturmangfaldet ved å endre den naturlege artssamansetnaden og dei økologiske funksjonane på staden.

Kunnskapsgrunnlaget (NML § 8)

Sibirlerk er klassifisert av Artsdatabanken som ein art med lav risiko. Arten har per i dag ikkje nokon påverknad på norsk natur ut over den effekten dei har på det arealet dei blir planta på.

Vi har vurdert dei naturfaglege kvalitetane til plantearealet. Det vert oppgjeve at dette er eit eksisterande plantefelt med sibirlerk der det skal supplerast med nye tre. Arealet ligg i eit beiteområde for hjort. Det er ingen andre registreringar i Naturbase i høve raudlisteartar eller

andre relevante verdiar. Ei suppleringsplanting i eksisterande felt vil ikkje medføre spesielle landskapsmessige endringar. Ut frå føreliggande kunnskap vil det ikkje plantinga medføre uheldige følgjer for naturmangfaldet.

Føre-var-prinsippet (NML § 9)

Vi vurderer vidare at behovet for å avslå, evt. krevje tilleggsutgreiingar på grunnlag føre-var-prinsippet er lite.

Økosystemtilnærming og samla belastning (NML § 10)

Vi kan ikkje sjå at plantinga medfører noko belastning som skulle utløyse noko uheldig, samla situasjon for eit område eller ein naturtype.

Kostnadane ved miljøforringing (NML § 11)

Jan Erik Stabben kan påleggast å fjerne utilsikta spreining av utplanta sibirlerk. Fylkesmannen kan pålegge tiltak etter NML §§ 69-73.

Miljøforsvarlege teknikkar og driftsmetodar (NML § 12)

Bruk av treslag med lav økologisk risiko er ei god miljømessig tilpassing. I tillegg er den som har fått løyvet til utsetting pliktig til å føre internkontroll, jf. § 10 i forskrifta.

Konklusjon

Vi vurderer det til å vere små negative effektar på naturmangfaldet i utsettingsområdet som følge av suppleringsplanting av sibirlerk. Med bakgrunn i opplysningane i søknaden og kunnskapsgrunnlaget, vurderer vi spreingsfaren som låg, og faren for negative økologiske effektar som liten.

Fylkesmannen i Møre og Romsdal gir Jan Erik Stabben etter dette løyve til utsetting av sibirlerk på gnr 228 bnr 1 som omsøkt. Løyvet gjeld for 50 stk. tre på eit samla areal på 1 daa, jf. §§ 4 og 5 i *Forskrift om utsetting av utenlandske treslag til skogbruksformål*. Vi viser vidare til krava i forskrifta §§ 8, 9 og 10 om hhv. varsemd, informasjonsplikt og krav til internkontroll.

Det vert sett følgjande vilkår til løyvet:

- 1) Dersom det vert oppdaga spreining av tre utanfor plantefeltet, skal desse fjernast, og Fylkesmannen i Møre og Romsdal må varslast.
- 2) Løyvet skal oppbevarast hos tiltakshavar og grunneigar inntil vilkåra i løyvet er oppfylt, jf. § 7 fjerde ledd i forskrifta.

Vedtaket kan påklagast til Miljødirektoratet innan tre veker i samsvar med forvaltningslova. Ein eventuell klage skal opplyse om kva endringar ein ønskjer i vedtaket, og skal sendast til Fylkesmannen i Møre og Romsdal.

Med helsing

Jon Ivar Eikeland (e.f.)
Fagsjef

Ola Betten

Dokumentet er elektronisk godkjent og har ingen signatur.

Kopi:

Aure kommune

6690 AURE

Miljødirektoratet Postboks 5672 Sluppen

7485 TRONDHEIM